

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 606 del 18/03/2025

An iniziativa va de Vrai Universitet va Poazn ver de student van hoachnschualn va Sudtiroi

S bersntolerisch aa en To va de òlt Mearsprochegkait

[Mòcheno] Der To va de òlt Mearsprochegkait, as va mearer jarder gahòltn kimm, kimm organisart va de Universitet va Paozn en sitz va Priksen ver za gem en de studentn van ladinischen ont van taitschn hoachnschualn van Sudtiroi elementn za meing verstea' abia as ausschaukt ont abia as ist s lem van sprochen as va òlta zaitn sai' en Trentin-Sudtiroi.

Van mearern bèrkn as de studentn gamòcht hom en de Universitet, oa'n ist gaben as en bersntolerisch. S ist nèt asou vèrr van taitsch ont iberhaup van sudtirolerische dialekt ont asou de studentn hom kennt ibersetzn kurza sòtzn en de sproch van inser Tol. De iniziativa hòt birkle pfòlln nèt lai ver en bèrt va de sproch, ober aa bavai de gep pakònt der groas bèrt va de mearsprochegkait ont abia raich as ist de inser region pet sprochen as velaicht nèt va souvle vil lait klòfft kemmen, ober as bichte sai' gor ver de gònz mentschhait.

De aktivitet ist organisart kemmen va de Vrai Universitet va Poazn en projekt "Mountain Innovation Ecosystem" (Proiekt PNRR iNEST) ont ist toal van iniziativa VinKiamo Südtiroi (<https://vinkiamo.projects.unibz.it/>), bo as de studentn kemmen pfrokt za hèlven mit za nemmen au linguistischa datn van eltern generazioni ont leing sa as de saitn va internet as en òlla offet sai' as men vinnen kònn as Alpilink (alpilink.it).

(It)